

唐石經攷正
諸史然疑



叢書集成

初編

主編者
王雲五

商務印書館發行



正攷經石唐

述渠朝王

編主五雲王

編初成集書叢

種一他其及正考經石唐

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

唐石經考正

本館據豫章叢書
本影印初編各叢
書僅有此本

唐石經考正序

唐文宗時宰臣鄭覃以經籍刊謬博士淺陋不能正建言願與鉅學鴻生共力讐校準漢舊事鏤石太學示萬世法太和七年十二月勅於國子監講論堂兩廊創立石九經并孝經論語爾雅共一百五十餘卷開成二年十月告成今在西安府學石末題名所謂都檢校官臣覃卽鄭覃也書石學生艾居晦陳玠段絳等校勘兼看書上石官柏曷陳莊士覆定字體官唐元度校勘官兼專知都勘定經書檢校刊勒上石章師道楊敬之卽當

時所謂鉅學鴻生也他如周墀崔球張次宗孔溫業高重韓泉諸人史傳皆稱其在文宗朝校定石經而題名不著蓋帝詳慎其事朝右儒臣通經學者鮮有不與或檢覈於書石以前或覆勘於上石以後故題名不能悉登耳然舊唐書謂其字乖師法立後數十年名儒皆不窺之以爲蕪累元明以前護持珍惜之者唯劉鄩尹玉羽呂汲公司馬溫公周益公諸人嗜金石文字如歐陽公闡明經學如朱子而集古錄無其跋尾集註中嘗採晁氏所稱之蜀石經而斯石無聞殆囿於家有所未聚

目有所未逮乎 國初趙子函鈕玉樵輩咸云非近今
所及則徒取其用筆也顧甯人謂其謬戾非一嘗著論
一篇爲之博考而歷舉朱竹垞因附刻五經文字序中
貞觀二字與宋人書苑菁華所載不同遂謂斯石非唐
人之舊蓋是碑一厄於韓建之築新城再厄於嘉靖乙
卯之地震其不與漢魏孟蜀諸石經同歸湮沒也亦勵
矣歲丙午渠館芝軒秦師西安藩署暇日遊府學摩挲
碑洞經石見碑雖備存字多剝泐好事者至勒遊觀姓
名於其上爲感喟良久丁未春去陝北上購石經全揭

以行落第歸里迭張於座右遍讀而詳校之始知乖法
蕪累洵如劉氏所譏而聖經本真沿譌於剞劂屏棄於
墨守藉斯石以考正者亦自不鮮若顧氏所舉之謬戾
則多屬明王堯惠等所補非石經本文朱氏所辨亦爾
意其所閱本皆裝潢家麤入補字者是以淹洽如甯人
竹垞亦遂未遑詳別也爰卽本文覈其點畫凡字句之
增減衍脫與今本異者悉著錄焉至旁注改鑄各文懼
世代遞遷或滋淆亂因併詳著俾研經者得所考以求
其正故名之曰唐石經考正乾隆庚戌歲季冬月旣望

萬年王朝渠自題

唐石經考正序

六

自漢而魏而唐而孟蜀而北宋南宋石經凡六存於今
者惟唐石經尙稱完備然修改於乾符補刊於後梁添
注於北宋謬補於明字譌文異浸失其舊 國朝顧亭
林萬季野杭大宗朱竹垞錢竹汀王西莊翁覃谿諸先
生先後訂正或有專書或累見金石記跋中先生獨據
石本逐字校勘匯爲一編俾讀者有所考正然亦有偶
遺者如尙書說命臣下罔攸稟命令作命泰誓王乃徇
師而誓徇作循召誥乃以庶殷攻位于洛汭攻作公詩
月出舒懷受兮懷作憂行葦以祈黃耆祈作祁載芟侯

疆侯以疆作彊周禮醫師疔瘍者疔上有一有字女史
八人史作使肆長掌其戒令令作禁太祝四曰縢縢作
榮攷工記舛胡之筭筭作筭儀禮大夫與士射袒纁襦
纁作薰左氏宣十五年吾獲狄土土作土成二年及齊
師戰于新築師改作侯昭二十一年心是以感感實生
疾元作感改作咸又改作滅公羊隱十年宋人蔡人衛
人伐戴戴作載莊卅有二年狄伐邢邢作刑成十有五
年成公幼幼作憂哀四年盜殺蔡侯申殺作弑穀梁僖
廿有二年春秋三十有四戰無有字論語再斯可矣斯

作思凡此諸條胥所失檢然其鉤擿甄錄致功良深裨
於後學不尠書成於乾隆庚戌其時太學石經未刊彭
文勤考文提要未出而是書顧鮮傳者冷官白首仰屋
著書章句擯絕於大師名氏翳如乎家術求以椎輪積
水自居不可得也吁可慨哉光緒十有五年八月新建
後學陶福履

唐石經考正

萬年 王朝渠 揆方 述

周易

九卷共九石計一萬四千四百三十七字

乾

亨俱作亨

避肅宗諱凡在字中者竝同

淵俱作沅

避高祖諱

彖

俱作彖

按說文彖互通今从王微舛凡字中有彖者倣此

乘俱作乘

盈俱作盈

按字書在皿部四畫

世俱作廿

避太宗諱在字中者諱例不一下分

著

恆俱作恒

避穆宗諱

溼俱作濕

毛氏曰濕本託合切後誤爲乾溼字

郭氏佩觿亦云水名之濕爲下溼蓋沿訛久矣

虎俱作虬

避景皇帝諱凡在字中者竝同

本俱作本

按說文木下曰本从木一在其下草木之根柢也本音刃从十猶兼人也大奄

有之義二字
音義皆迴別

高俱作高

凡在字中者竝同

民俱作𠂔

避太

宗諱在字中
者多改作氏

純俱作紉

避憲宗諱

舍俱作舍

按字書在舌部

二畫則从
吉者非

鬼俱作鬼

在字中者竝同

坤

往俱作往

按字書在彳部五畫

陰俱作陰

直俱作直

在字

中者
竝同

習俱作習

至靜而德下旁添注也字

按每經添

注各字有顯繫本文者有見釋文別本者亦有今不可考疑古有所本者大抵上石後重加讐校人所正定亦有唐以後好事所妄注者必非一人一時爲之或疑宋晁氏據蜀石經增添則大不然蓋晁氏所舉蜀石經增多各字今固未嘗盡添入也

屯

宜俱作宜

按說文宜所安也山交覆深屋一覆也則从宀爲正